

Surxon vohasi polvoni Muhsin Hisomiddinov uch karra Osiyo o'yinlari g'olibi bo'ldi



Ayni kunlarda Xitoyning Hangjou shahrida bo'lib o'tayotgan Osiyo o'yinlarida bugundan Kurash bahslari start oldi. Kurash vatani bo'lgan O'zbekiston kurashchilari haqiqiy polvonlar yurtidan ekanliklarini namoyish etishib, birinchi kun bahslarining o'zida 3 ta oltin, 1 ta kumush medalni o'z hisoblariga yozib qo'yishdi.

Jumladan, erkaklar o'rtasida +90 kg vazn toifasi final bahsida yurtimiz sharafiga surxondaryolik kurash bo'yicha Osiyo o'yinlari g'olibi, qit'a va jahon chempioni Muhsin Hisomiddinov munosib himoya qilib Osiyo o'yinlarida uchinchi bor chempionlikni qo'lga kiritdi.

Polvonimiz finalda turkmanistonlik Tejen Tejenovdan ustun kelib, oltin medalga sazovor bo'ldi. Bu delegatsiyamiz uchun mazkur Osiyo o'yinlaridagi o'ninchi oltin medal.

Sportchimiz va uning yaqinlarini hamda barcha yurtdoshlarimizni ushbu zafarli g'alabalar bilan muborakbod etamiz.

[Surxondaryo viloyati hokimligi Matbuot xizmati](#)